

古岳和尚語錄

三

		和書門	
	二五〇三八		類
一	六	函	號
四	七	架	冊
三	冊		

庫文閣内		
九	五	和
三	〇	書
函	三	
一	八	類
七	冊	
架		

内閣文庫	
番號	和 25038
冊數	3 (2)
函號	193 449



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



古岳和尚語錄卷第三

古岳和尚語錄卷第三

和學講談所

嗣法小師 玄畫 恒雀 編

住長崎海雲山普昭皓臺禪寺語

師享保五年庚子冬在大林寺承 鈞命明年正月

十六日入寺指

山門云扶桑關鍵支那要津當門窮日渺無涯畛不

勞彈指利利塵塵諸人還有人得分麼良久云這裏

不容鷄鳴賓

佛殿殿裏底乾屎橛是吾不要碗脫雖然與麼別有

來參句喝一喝

伽藍管日王老遭爾勘觀今日山僧勘觀爾去良久云不假其器挈餅部署

祖師示現去來相家醜向外揚單傳直指好肉剜瘡啖祖禰不了兒孫牽殃

據室毘耶截斷瓜葛蔓摩竭不忻爲虫豸峻上座別立生涯橫拈拄杖云使爺財不是孝子

拈公帖云以此閑奸遠佞以此摧邪歸正凜凜威風遍天下坐斷十方致泰平

山門疏太音希聲何屬角徵
耳若或未然則首座爲宣揚
施於絃歌知心豈勞

同門疏分流同源異枝連根遠寓玉章和樂箴填言
言見諦句句粹溫維那爲我宣讀

指法座云宋滅真功不屬陰陽法身妙位不落報化
還有知音麼若或假借須彌燈王則坐他牀頭守住

已靈則坐在鬼窟傻陞
拈香云這香熱向窰爐端爲祝延

當今聖主北極至尊萬歲萬歲萬歲陛下恭願地

平天成卽世諦證真諦河清海晏推治人逮治心次
 拈香云這香熱向爐中奉爲
 征夷大將軍源賢君伏願照育黎庶佑
 一王之
 神統保扶國土體萬物之樞機次拈香云這香熱向
 爐中爲東都諸大閣老諸祠部衙本鎮宰尹洎闔府
 文班武列在政左輔右弼諸士伏願長佗國家藩屏
 鎮爲佛法柱石且爲本山護法當日請主在座信男
 信女等竝願福海深廣壽嶽穹崇次拈香云這香爛
 卻枝葉畱得眞實暗裏有香明中無色第二回拈出

熱向爐中供養本師海松槐老和尚用酬法乳之恩
 歛衣就座天祐愚翁和尚白槌云法筵龍象衆當觀
 第一義師垂語云若論第一義十方諸佛不敢正位
 歷代祖師祇可傍立雖然與麼建化門庭不妨敲唱
 這裏有得力者麼證據看問答不錄師乃云劫外家風壺
 中消息望時岸涯不窮體處心緣未萌無去來沒蹤
 由所以道圓明了知不依心念直得蒼龍退骨金鳳
 離巢正當恁麼時三世歷代十方塵刹諸沒思鼻老
 古錐及一切鯨奴白牯各各向山僧拂子頭上放大

光明吹大法螺擊大法鼓爲一切草木叢林牆壁瓦礫度生說法然毫長老向山僧曰止止不須說我法妙難思諸人還有聞得底也無良久云遍界通身無背面莫教絲緒落機梭叙謝不錄

復舉保福與長慶遊山次福以手指面前一片地云只這裏便是妙峰孤頂慶云是卽是可惜許後舉似鏡清清云若不是孫公傻見觸髅遍野宏智古佛云鏡清老鏡清老太平治象渾無擾毛髮不萌平穩休只個如如元是道師云宏智恁麼說話未免靈龜曳

尾山僧與麼道卻與藥不及忌口上來已逢場作戲卽今如開堂祝 聖一句又作麼生道良久云海雲含瑞氣普昭吐祥光天祐和尚白槌云諦觀法王法法王法如是師傻下座

當翹小參山僧或西或東隨緣飲啄其間佛法一毫無欠缺亦無剩法今日及住于海雲亦只麼尋常也今春有志人一箇半個來索挂搭山僧無福不能隨心容衆而不獲已竟垂一千指因記得古德曰人人有肩孰不衣人人有口孰不食不干汝事如恁麼道

開自家口喫自家飯以自家肩穿自家衣學道用心
 辦自家事休自家底外無他諸仁者自家底辦得來
 麼休歇來麼未辦要辦有未休要休歇又云學道不
 用見聞覺知若行見聞覺知即是見聞覺知非學道
 也諸仁者脫得見聞覺知來麼離見聞覺知作麼生
 是道道不可以有心而得不可以無心而得雖然與
 麼洞山大師曰道無心合人人無心合道欲會此中
 意一老一不老不得一到無心地則如何得合道傻
 知道無心體得無心道體得無心道亦休休得盡處

不立一物記得僧問洞山時時勤拂拭莫使惹塵埃
 爲什麼不得他衣鉢山云直饒道本來無一物也未
 合得他衣鉢且道什麼人合得僧下九十六轉語不
 契末後一轉抓著痒處諸仁者且道什麼人合得於
 此下得一轉語分曉不妨放光動地其或未然各各
 參堂去

佛涅槃雙樹林間月色寒人天百萬淚闌干野花枝
 上紅兼紫泣血深春猶未乾這個是生滅諦中之消
 息卽今山僧別行一路供養釋迦文佛去插香云北

澗水潺潺南山雲幕幕

晚參示衆永平古佛曰汾陽照禪師會中止七八衆
趙州不滿二十衆藥山僅有十衆然例俗晚參故永
平今茲入院晚參行古規也或五百七百以至千僧
不忝爲大叢林號大叢林既無抱道之人具主席者
敢擬藥山趙州汾陽諸老耶所以近代無晚參亦絕
講先師天童時千載一遇也雖當澆運軌則尤嚴今
永平稱其嗣子所以不廢晚參如恁麼道行晚參乃
大叢林也不在衆之多寡不行之者不是叢林也不

在院之大小海雲先是不行晚參例擗天童永平自
今以後逢二六而講晚參大衆且道參個什麼參取
個什麼物良久云參須實參悟須實悟

解夏小參九旬三箇月結得布依頭容須彌於芥子
塞破虛空三箇月九旬解開布依頭容芥子於須彌
裂破大地直得步步圓覺念念性智山僧今夏依官
事謁東都已過半夏歸山驢事馬事七顛八倒不遑
爲衆商量一言半句然莫道不商量山河大地草木
叢林鳥鳴花笑馬嘶牛哞無不盡爲衆發揮大事到

這裏是爲安居乎是爲不安居乎若道不安居則步
步未曾離圓覺伽藍若道安居則從西過東從東過
西大衆呼爲甚麼便得記得文殊在二處過夏迦葉
集衆白槌欲擯出文殊纔舉犍椎卽見無量佛刹顯
現一一佛所有一一文殊有一一迦葉舉槌欲擯文
殊世尊告迦葉云汝欲擯那箇文殊于時迦葉茫然
看他揮斤成風鼻望斲去又永平古佛云有一處安
居有二處安居然未有一不安居安居一枚佛佛祖祖
也不安居者不佛祖不菩薩卽今如山僧是安居也

耶是不安居也耶雖然與麼如法歲周圍一句作麼
生道一塵入正受諸塵三昧起

永平忌雞冠含露赤木葉得風黃事事通消息真面
克難藏這箇是永平古佛現普徧身的面目卽今臨
齋筵應微供一句作麼生道兜羅婆片熱爐處一縷
紫煙沙界香

開爐示衆湖風匝地催寒意雲衲滿堂鎖六門免得
丹霞燒木佛烏金熠熠一爐翻大衆昔日丹霞燒木
佛向火海雲今日烏金滿爐燒咎日底是耶今日底

是耶倘道管日底不是和院主着鬢墮落倘道今日
 底是海雲意在何處向這裏辨得分明許汝一生參
 學事畢若或未然各自向火爐頭參取去珍重
 達磨忌西來萬里將謂奇貨鳳凰臺上不直文錢收
 卻行市一葦絕江九年冷坐成背盧都末上毒氣向
 入吐露殃及今日畢竟是什麼道理愁人莫向愁人
 說說向愁人愁殺人舉香云一以酬毒氣一以報恩
 德插香優禮拜

結制上堂百草頭上祖意開市門頭天子日日相看

時時偶諧合體也不空而有順事也不礙而通一步
 未舉前禁足護生一物不觸處身心安居功勳及盡
 青山雲斂尊貴難窺空潭月沒釋迦彌勒到箇田地
 不敢稱師達磨老盧到箇處所不敢喚祖記得僧問
 文殊達磨還是祖否殊云不是祖僧云既不是祖何
 用西來殊云為汝不薦祖僧云薦後如何殊云方知
 不是祖師云那箇是祖通身是徧身是刀斧斫不開
 雖然與麼圓覺伽藍中九旬剋期與諸人作麼生安
 居取證良久云妙超初念際卓立萬機前

滿戒上堂豎拂子云見麼卓拄杖云聞麼見聞無所
住是金剛審戒是一切諸佛本源一切菩薩本源佛
性種子一切衆生皆有佛性如恁麼道根本戒已具
足圓成山僧有授受之儀爲諸人唯證明耳向這裏
薦得分明則開遮持犯有罪無罪是什麼開名字其
或未然經曰汝是當成佛我是已成佛常作如是信
戒品已具足恁麼則要他後諸人堅持若有所犯應
懺悔清淨作麼生懺古人曰一切業性海皆從妄想
生若欲懺悔者端坐念實相卽今如實相作麼生念

良久云念念無念心地戒起心動念背法體
冬夜示衆洞山此夜示衆云有一物上撐天下拄地
黑似漆常在動用中動用中收不得且道過在甚麼
處當時有個泰首座答云過在動用中洞山命侍者
掇退莫卓後來圓悟拈云天下衲僧盡道泰首座箭
鋒不相拄所以遭洞山貶剝又滌山真知道此菓子
莫道泰首座不喫得三世諸佛也不敢正眼觀著大
衆且道此菓子非唯泰首座不得喫三世諸佛喫不
得還會麼良久云不入驚人浪難尋稱意魚

次日上堂陰去陽來發一機天心密密運幾微衲僧
於是著精彩大地山河全布威

臘八上堂透出野狐窟裏念念成道游戲獅子林中
心心見性笠頭峯湧地律率深江浦蘸乾泥濘見成
公案沒商量釋迦老子覷著長庚打失眼睛跛跛挈
挈百醜千拙今日兒孫如何蓋覆卻擲拂子叉手良
久云珍重偃下座

同拈香雪山凍殺一枝梅清曉風前笑口開馥郁暗
香無避處人人帶得擢條枚卽今暗香如何相續去

玉線頭尾合金針雙鎖該

除夜小參一冬已來爲諸人不惜苦口見來眉毛在
麼今夜年窮歲盡商量個什麼與諸人分歲記得僧
問趙州十二時中如何用心州曰人被十二時使老
僧使得十二時如恁麼道被十二時使耶使得十二
時耶倘使得十二時則歷曠劫而不變遷倘被十二
時使則順陰陽而消長臘月三十日到來未償舊債
在豈不見羅山問巖頭起滅不停時如何頭曰咄是
誰起滅羅山當下大悟諸仁者識得起滅底者不起

滅這箇思不到議不到前後際斷中間亦不留絲糝
洒洒落落貫通十方縱橫無礙舉措施爲借誰恩力
無心能作用作用亦無心格外玄機當下用得活雖
然與麼如何得應用無方不負宗去還會麼應無所
住而生其心

歲旦祝聖者香覆幃十虛而無私運載三際而有公
無始無終混沌讓其圓非新非舊金剛辭其堅熱向
密爐上祝 睿算插香云萬歲萬歲萬萬歲

同上堂密燭開花玉鼎騰煙陝府鐵牛吐霧嘉州大

像展眉驚起蝴蝶逐香撩發黃鳥調韻柳汀揚浪花
林布芳見色聞聲頭頭顯露物物漏泄正與麼時君
臣道合父子恩成諸人應時及節如何得相應去還
會麼堯風舜日簇祥靄萬落千村賀太平

解制上堂打一圓相云九旬安居禁足掃蹤絕跡不
離這裡剎期取證滿筵時到東去西去亦不離這裏
恁麼會得則雲月溪山共一家山門金剛神門前石
敢當相看笑呵呵鉢囊鞵袋頭帽腳絆一個個放光
動地去不與麼則三生六十劫在受鈴嶼辛苦何日

有歸家穩坐雖然與麼今日送諸人行山僧乞與這途糧去還會麼終日喫飯不齧嚼一粒米

晚參將拄杖打一圓相云入得這裏不易又打一圓

相云透得這裏也最難大衆如何修證圓公案去試

下一轉語看衆下師云出身猶可易脫體道應難

佛涅槃者香不是梅檀又不兜羅婆歷劫熏修力之

所成本有香氣當座圓成今日拈出供養入般涅槃

四生慈父三界大導師以酬法乳慈恩

為無參道徹居士對靈小參山僧東漂西泊萍跡無

礙時在駿之壽峰聽故考道徹居士訃今日圓頭已

得星霜二十五回攀想昊天罔極之德打設薄奠供

養覺靈舉揚般若資助冥福雖然與麼般若如大火

聚四面不可取作麼生供養作麼生舉揚欲向那邊

供養靈羊掛角欲向這邊供養靈龜曳尾向這裏畢

竟如何即是記得僧問曹山子歸就父為甚麼父全

不顧山曰理合如斯僧云父子之恩何在山曰始成

父子之恩僧云如何是父子之恩山曰刀斧斫不開

師云曹山老漢通身及盡徹底瀝乾脫身一色不守

同風且道是爲供養耶將爲舉揚耶山僧卽今向這裏如何供養覺靈去舉拂云慇懃無米飯堂前不問親久立珍重

佛生日此香諸佛頂顙列祖鼻孔毘藍園裏不生無憂樹下無種根先空劫盤屈葉後大地蔚蔚過去諸佛拈得一片半片供養未來諸佛亦如彼過去諸佛插向供養山僧亦今日分得一瓣爇向爐中供養降誕如來獅子吼獨尊以上酬慈恩

結制上堂古佛曰安居一枚喚作佛祖祖恁麼則安居現成偃佛祖現成也以大圓覺爲我伽藍步步不妄行佛祖現成偃安居現成也身心安居平等性智心心不妄動安居與佛祖同道同參更無自他直得死蛇弄得活駿馬牽得迴處處入此門頭頭無別法諸人還相委悉麼良久云應繁興而常寂照空劫而獨靈

先住笑巖和尚忌天喪斯文誰踵蹤雙肩荷負整顏風郢斤豈帝施無質復爲亾羊泣路窮箇是本山第十代笑巖眉和尚生前向輓近任持大法圓倒瀾底

一

七

之消息也今日相逢三周忌辰供養真儀一句恰麼
生道無底盆盤盛不盡穿心椀子釘將充
端午示眾曹溪大師曰有一物無頭無尾無名無相
無背無面向這裏諸人如何道得諦當試下一轉語
看衆下語師云諸人或道得或道不得山僧有一語名
不得狀不得

第一世一庭和尚忌覆成一簣啓其端大暢長張復
最難更欲賽庇麻懋德年年為薦沼毛盤

解制上堂山僧未受請已前諸人一點也不欠少况

復陞座頗著慚羞雖然與麼知進不知退知退不知
進猶不免苦屈在如何得一進一退應節及時去喝
一喝

永平忌柔國始興太白宗半千歲月鼓真風眼橫鼻
直孃生面分付有餘隻手空箇是永平古佛自受用
三昧底消息正當今日如何伸供養去野色更無山
隔斷天光直與水相通

開爐小參今朝大家膺開爐節紅爐炎炎鍛凡鍊聖
然只見錐頭利不知鑿頭方人人有箇火種識得則

受用不盡不識得則飯籬邊餓死見來今冬皆叢林
飽參底也山僧入堂唯打睡外無他也是從來具足
直得無下手處然到這裏不得瞥地未是到無事地
只要十二時中放下唯能放下便無事底也若到無
事地自知有轉身處所以道拈起也玲瓏瓏千差
萬別混不得放下也洒洒落落十方三世竟無蹤未
得恁麼紛紛擾擾東思西想空送過一冬雖然與麼
畢竟如何良久云背觸俱非如火聚
達磨忌老胡昔日弄光影隻履空棺尚未真妙用神

通誰數汝葛藤連累徒勞人正與麼時雪昔日屈如
何供養大師真去插香云盡法無民

結制上堂曲不藏直真不容偽霜林曬錦寒冰磨珠
松風竹雨犬吠鷄鳴廚庫山門東廂西廊打開自家
審藏撒向諸人面門何更有法可說何更有道可成
如何眼裏耳裏著土著沙所以雪峰示衆云盡大地
撮來如粟米粒大拋向面前漆桶不會打鼓普請看
雪峰老漢只爲人草求人_カ不覺渾身拖泥水然雖如
是還我翠巖眉毛卓拄杖一下便下座

冬至上堂羣陰剝盡一陽來復正是衲僧省力之時
節也正與麼時枯木著花寒灰發焰冰雪融璞玉湛
水搖松栢假令到恁麼田地滿船空載月漁父宿蘆
花好個轉身消息若未然寒夜無炭衰老衣涼機透
骨古堂微參

臘八上堂三祇不是長遠一念普觀無量劫刹那亦
非短促彈指圓成八萬門佛中現利利中現佛釋迦
老子今曉一見明星直得有情非情同時成道記得
瑯琊云奇哉十方佛元是眼中花欲識眼中花元是

十方佛欲識十方佛不是眼中花欲識眼中花不是
十方佛師云瑯琊要假途于虞而得號山僧恁麼道
忠言還截舌好事不如無喝一喝

同拈香者香黑如漆堅似鐵不降自天弗根乎地以
三無漏法水而溉灌以六波羅蜜膏腴而培栽屈蟠
鬱茂奚翅三千大千而已哉既供養過去千佛亦當
供養未來千佛卽今折取一片恭熱向博山供養見
成悟道本師迦文如來以酬法乳

除夜示衆永平古佛云一世年光夕電中萬緣誑繫

始終空縱憐鼻孔面前掛猶惜片時辨道功卽令如
臘月三十日到來衲僧家尋常茶飯如永平古佛道
不捨片時佗麼生見辨道功諸人還會麼良久云但
能長時退步乳中之酪分明
歲旦上堂春風蕩蕩春日熙熙笠峰騰瑞氣皓臺靄
祥煙拄杖發花拂子放香人人鼻孔遼天箇箇壁立
萬仞直得毘盧性海融冰本地風光敷和唯有東村
王大老灰頭土面不管新舊不管新舊如何別通消
息去良久云能爲萬象主不逐歲時新

解制上堂古路坦然誰措足無人解唱還鄉曲舉頭
春入燒痕齊處處柳楊眼正綠看看海雲一條古路
七縱八橫步步透長安諸人向毘盧頂上大方闊步
但要到家歇得恁麼則開眼合眼左步右步皆是自
家底荆棘林蔌藜園直透橫行始有到家分不然則
認驢前馬後底胡足亂步終是飄蓬湖海客也諸人
如何行履得恁麼相應去良久云衆手淘金誰得人
掀翻海嶽求知己

佛涅槃四十九年播土揚塵今日合殺向何處去是

生耶是死耶唯有一句子逼塞天地貫通古今恩大
難酬今日拈爲一瓣香熟向爐中上酬大恩教主慈
恩百千萬億分一分便熟香

示衆九十春光將盡光陰如流時不誤人雖然與麼
衲僧家有不隨四序推遷者諸人還委悉麼試下

轉語看衆下語師云山僧有一句子九十春光臥病今

日稍起天上天下覓病底者不可得此猶是屬座主
家良久喝一喝時有僧出衆云幸值一喝落處師云

落處作麼生進云和尚鼻孔裏師云山僧鼻孔在甚

處進云天高東南地下西北師云忽然天地崩裂時

如何僧便喝師云蹉過了也僧云蹉過也風流師云

汝強作主便休

浴佛處塵不涿水何洗清淨法身絕去來咎日韶陽

拈得棒棒頭爭奈惹塵埃雖然與麼海雲如何浴得

今日降生佛去杓柄在手殺活自在

結制上堂豎起拂子云看看毘盧舍那佛爲諸人放

光說法諸人還聞麼倘聞得則瓊枝寸寸審梅檀片

片馨倘又聞不得則步步跨差路心心生異念爲什

摩如是爲信不具也所以道十方同聚會箇箇學無
爲箇是選佛場心空及第歸雖然與摩路頭在何處
良久云摸著鼻孔看

滿戒上堂舉拂子云諸仁者看一戒光明麼與燈籠
露柱合其德與牆壁瓦礫並其明昧之念念淪墜明
之心心解脫展之則塞塵刹土縮之則藏微塵裏所
以道諸佛乃了事底凡夫凡夫乃不了事底諸佛經
曰汝是當成佛吾是已成佛常作如此信戒品已具
足一切有心者皆應攝佛戒衆生受佛戒卽入諸佛

位位同大覺已真是諸佛子諸仁者旣得戒了各各
真是佛子實入諸佛位雖然與摩子細點檢將來作
麼生是佛子作麼生是佛位作麼生是佛戒擲下拂
子云轉身就父無標的拈卻華冠不得名

解制上堂打翻虛空窟籠開卻六門密關佛手驢腳
芒屨竹杖徧於山參於水一任踏而寬腳板去記得
善財童子歷參南方最後依彌勒菩薩教到蘓摩耶
城思惟文殊師利文殊師利過一百一十城遙申右
手按善財頂使普賢行門成就諸波羅蜜師云作麼

生普賢行門如何入得麼生諸波羅蜜如何成就
到這裏諦得分明則海雲解制已多時也其或未然
他後復平地起骨堆參

永平忌夙乘願力產杖乘斯道傳持坐道場四百餘
年風未墜兒孫蟄蟄帶恩光且道報恩一句麼生
月中桂子黃金蕊四海香風從是揚

開爐上堂叢席地爐今日開筋頭撥卻動寒灰麒麟
吐燄紅通體諸佛法輪轉如雷若向這裏著得一隻
眼衆生說法法說塵塵說利利說衆生聽法法聽塵

塵聽利利聽其或未然萬里望崖州記得雪峰曰三
世諸佛在火燄裏轉大法輪玄沙曰火燄爲三世佛
說法三世佛立地聽諸人向這裏麼生得說聽相
應去良久云彼我空空無障礙自他法法本融通
達磨忌西來滯貨無香氣分與神光俗的傳付骨付
皮餘一片拈來爐上覆蒼煙

結制上堂一句子明歷歷虛宋宋耀天照地頂門正
眼要在俗者知歸肘後靈符須憑英雄提掇道人行
履直得如箭離弦無返回之勢呼喚不回頭牢籠不

古語和尙語錄卷之三

敢駐要在這裏坐卧三二十年還來穩坐逢茶喫茶
逢飯喫飯迎賓待客屙屎送尿常光現前其或未然
假令樹凋葉落去來年更有新條在
冬至祝聖葭灰才動復陽律萬物潛萌形未成莫限
聖恩周覆載無方妙用孰能名正與麼時祝延
聖壽萬年一句又作麼生枯木巖前有古人空劫壺
中無新歲

上堂廓然一念忘緣泊爾十方無寄恁麼處所恁麼
行履靈靈不昧了了常知倘復不恁麼則如觸鼻羊
逢物便安著口裏如何得獨立無依步步不觸物心
心無處所所以古人道一法若有毘盧墮在凡夫萬
法若無普賢失其境界且道作麼生得相應去無心
道者能如此未得無心也大難

臘八上堂天高地低日照晝月照夜可惜許釋迦老
子娘生眼睛被閉星子換卻還道悟道拈得鼻孔失
卻口海雲滿堂清衆一七晝夜不舍寸陰參請祖禰
不了殃及兒孫雖然與麼豈得無知恩報恩分良久
云不依樵子徑爭到葛洪家

古語和尙語錄卷之三

三

同拈香者香開花於不萌枝上結果於無影樹林以
無柄鋤斧斫取以不煙火種熏修信手拈來供養今
日成道本師如來用酬法乳之恩

中興逆流和尚忌洞水逆流漲海雲餘波今尚勢沩
沩探源斟委同鹹味風月一壺分不分今茲臘月遇
本山中興逆流順和尚三十三回遠忘莊嚴真位辨
庀野蔬拈出朽木以修供養龔原真慈世諦橫身隨
流不捐悲願劫前進步擡腳不觸塵機香象渡河徹
見淵源白牛臥地安須鞭索扭捏獨菴鼻孔坐斷爲

霖舌頭枯木回春擊動鼓山之鼓彌體轉眼彌布雲
嶽之雲經始七間僧堂雲水赴壑範出丈六金像日
月爭輝毘盧藏成經藏律藏論藏續藏解脫門啓東
門南門西門北門管年號一方叢林至今稱海西法
窟讐厥往績昏儼權輿一條拄杖觸倒須彌途中受
用雙耳草屨踢翻巨海末後行裝上來真慈生前未
後受用底消息卽今臨齋筵應供養一句又作麼生
插香云一片香雲橫宇宙普天無處不氤氳
歲且祝聖德合乾坤位冗一無爲垂拱布淳仁堯眉

舜目臨黎兆普沐恩輝仰北辰

解制上堂獨立卓卓周行綿綿居無繫累行無轍迹
谷神鑑像圓應無方所以道去來不以象故無器而
不形動靜不以心故無感而不應恁麼行履諸人還
相應也無良久云其或未然一句吐不得一步行不
得各自努力

佛涅槃雙林春老動悲風天上人間恃怙空莫道世
間喪正眼看看柳綠與花紅雖然與麼如何供養涅
槃佛去將香打一圓相云伏惟尚享

滿戒小參諸仁者各各有箇光明名金剛密戒收之
藏微塵放之徧沙界諸佛以此出現於世祖師以此
西來唐土所以道諸佛之本源行菩薩道之根本一
切衆生之本源而自性清淨也五臺現文殊峨眉現
普賢普陀現觀音皆是金剛戒光之所顯發也諸仁
者請山僧稟受菩薩大戒一七晝夜懺悔加行其懇
到無可加焉然受授不易護持最難昨夜受授已了
他後如何護持山僧有一服點眼藥要諸人一口吞
卻去作麼生是點眼藥諸惡莫作衆善奉行這箇八

字最要緊也。盡未來際勿失墜矣。管道林禪師謂白
居易曰：三歲孩兒雖道得八十老人行，不得諸仁者
這個八字須書於紳，舉措施爲勿遺忘，則金剛密戒
光明無處不照，畢竟如何用心去還相委悉麼？良久
云：披毛從此得做佛也。由他。

結制上堂無法可說，摩竭行令無言可付。少林提綱
依無住本，建立一切法。薰風徐來，殿閣生涼。巢知風
穴，知雨空中鳥飛，水底魚躍。主山高案，山低咸是大
圓覺中，大光明藏。平等性智之顯發，二昧也。雖然與

麼心不可思，口不可議。杳不知其所以，以須彌爲筆
以大海爲硯，祇寫得萬牛身中一毛頭許。三世諸佛
歷代祖師有擎山扛鼎之力也，擔荷不起。諸人向這
裏有省力之分也，無假令明眼衲僧跳不出參。

六月一日示衆：上古今日已去，不打板坐禪，各隨其
便。放蒲團打坐，然人汗信淺而槩之，俾以繩墨而不
逸乎外。如吾清衆當斯季運，而人優信淡也，宜任其
便。而吾僧堂冬暖夏涼，奚復僥倖其他乎哉？九十光
景半已過，各各有履踐之分歟。不然則至光陰虛度。

即今試道取衆下師云雨中看杲日火裏酌清泉

解制小參山僧多病但以避暑就涼養性為事焉是

故一夏已來不要為諸人說話如諸方瞋拳熱喝發

癩病相似只要教諸人向兀兀地直行長安大道各

各且道路頭在甚處得到得前路相近也無山僧不

獲已為諸人點路頭太適來聽鐘聲集堂誦經禮拜

舉措施為畢竟借誰恩力向這裏一念坐斷則東廊

西廊始知步步不是別人若或次且踟躕依然坐在

精靈窟直待當來問彌勒記得趙州僧問如何是道

州曰牆外底僧云不問這箇道州曰問甚麼道僧云

大道州曰大道透長安看趙州老漢不似隱身術直

教入帝鄉海雲今日解制任他諸人東去西去然知

腳下便是本鄉麼鬧市門頭還逢祖師麼作麼生是

祖師喝一喝云在這裏舉拂云依然漆桶不快

永平忌曾到天童非性躁孃生鼻孔被他穿若無脫

落身心句爭得兒孫枝蔓牽即今有報得不報之恩

分麼靈犀玩月含輝處秋色滿湖水若天

開爐上堂今日諸方爐鞴開海雲隨例俱冬來不燒

木佛手籠袖惜取眉毛撥冷灰與諸方是同耶是別
耶諸人辨得看若又辨不得則山僧爲諸人下註腳
去人人有箇火種等閒觸著燒卻面門箇日丹霞古
佛唯知向火禦寒卻引得院主眉毛墮子細點檢將
來八兩半斤無分疏雖然與麼快須拽鼻回香象切
忌當頭觸死蛇

結制上堂竖起拂子云看看三世諸佛在山僧拂子
頭上放大光明轉大法輪云我法離文字相離言說
相無思議無安排孤迥迥峭巍巍坐斷千差路頭掃

卻凡聖名字直下會則開眼合眼舉手動足全是自
己家珍其或觸途爲滯不免僧堂裏三條椽下晝參
夜參如猫捕鼠相似如雞抱卵相似居諸相積始有
相應分若復顛預儻侗則參天荆棘橫官路那箇行
人不掛衣各自努力

冬至示衆諺曰冬至月頭賣被買牛冬至月尾賣牛
買被今年冬至在月中不賣不買唯自家底耳學道
唯要不蹉過自家底俗麼生是自家底眼見如盲耳
聞如聾鼻如雙垂爪舌如初偃月身如寒谷雲心如

臘月扇諸人得恁麼相應麼山僧夏下注腳去自家
屋裏舊青氊坐去坐來若許年空劫壺中無日月斧
柯爛卻不干仙

臘八小參法身無相應機現形如月有水皆悉印影
護明降跡出家入山六白苦行今曉一見明星換卻
眼睛打失鼻孔橫三豎四舌覆大千然於真實人體
不移動一絲毫後來雲門大師於棒頭行正令欲圖
天下太平斬釘截鐵坐斷心意識銀山鐵壁直無縫
罅又不見道佛未出世既有四十九年說祖師未西

來少林有祕訣到這裏承當得則三世諸佛歷代祖
師天下老和尚同一眼觀同一耳聽同一舌說同一
鼻孔穿同解同證同得同入若也未到不免捺糊去
也十二時中淨裸裸赤洒洒沒可把東西不辨南北
不分於腳下黑漫漫處凡情聖解都解脫去如絕氣
息漢相似如冷灰裏忽然黑豆爆出去始有相應分
諸人還相委悉麼良久云萬古碧潭空界月再三撈
攬始應知

歲且上堂一新一舊大功不宰陰陽斡旋至化無爲

位裏絕消息機頭有變通是出沒之淵源又窮通之
界域諸人還得恁麼應用麼雖然與麼袂僧家如何
不涉春緣使得十二時去良久云當行家賣買渠元
無窠窟

佛涅槃這香生滅無生無量無作之四真諦以為根
柢跋提河邊尼連禪河四枯四榮之八木林以為枝
葉一杵搗成百雜碎分散而在地為山河石壁在天
為日月星辰是諸佛命脈眾生妙靈今日搏而為一
團熱向爐中以酬本師如來法乳慈恩

小參山僧今日不敢賺諸人不免金中辨沙火裏試
玉古人云學道之人不悟真只為從前認識神無量
劫來生死本癡人喚作本來人不見道認聲色是識
神認鹹淡是識神認執捉運奔是識神如何得免此
咎放盡識神與虛空合體萬里不逢人恁麼處所諸
人子細辨得麼記得鏡清問僧是甚麼聲僧云簷頭
雨滴聲清曰衆生顛倒迷已逐物僧云和尚又作麼
生清曰泊不迷已僧云泊不迷已意肯如何清曰出
身猶可易脫體道應難師云功中退步就位位裏移

身借功毘盧頂上分眼舜若多神現身諸人還委悉
麼偏正不曾離本位無生那涉語因緣

浴佛清淨法身無垢佛香湯漫潑卻添會毘藍管日
眼花綻直至而今藥不明雖然與麼今日兒孫如何
供養去暫時落魄元是簪纓

結制上堂山僧應一衆請及登此座無一句子爲諸
人雖然與麼已展不縮豈拂子云見麼卓拄杖云聞
麼見聞不隔十方通暢活卓卓露迥迥包法界容微
塵通身手眼遍身手眼所以道心月孤圓光吞萬象

光非照境境亦非存光境俱忘又是何物無功中辨
位自位中立功恁麼消息要諸人相委悉還會麼良
久云動容揚古路不墮悄然機

解制上堂諸兄弟秋初夏末或東或西住無住相去
無去相靈鳥倦投林次虵驚出草用而無痕應而有
餘是乃諸人平常受用底消息今日解制山僧兩手
分付去還會麼良久云自是不歸歸得五湖煙浪
有誰爭

慶誕小參日邁月移推遷不駐今秋狴耳順之年適

逢母難之日側有一三子預記賤誕日子欲至其日
祝頽顏山僧卻之不可乃至於此矣法門昆仲或躬
自來或遠馳專介且濟門四大利護法居士並門派
耆宿山門一衆各各寄詩偈厚貺爲山僧祝壽設供
因請說無生法報答父母劬勞之德諸仁者如卽今
啓誕筵前際已去後際未來中間空寂這裏無我相
無人相無衆生相無壽者相已恁麼以這什麼爲壽
相而要祝詞古人曰離見聞覺知有智非分別心離
地水火風有身非和合相向這裏辨得分明許諸人

有慶誕分有報答分其或未然聽山僧處分世尊未
離兜率已降王宮未出母胎度人已畢所以道如鏡
照像像非外緣如珠發光光還自照正與麼時如何
應四來祝詞去良久云四溟潮落露仙山萬里無雲
廓天宇

上堂靈光不昧萬古微猷入此門來莫存知解時光
易過佛法難遇諸仁者揚眉瞬目早落第二機會卽
會佇思停機喪卻本真不見洞山問興平云如何是
古佛心平云汝心便是山云雖然如是猶是某甲疑

處平云恁麼卽問取木人去師云與平酬答如俊鷄
擒鶻若有人問山僧如何是古佛心答他道露柱又
道雖然如是猶是某甲疑處又答他道通身無縫罅
諸仁者向這裏親切辨寫去不啻洞山與平無藏身
地自己靈光蓋天蓋地去若或未然再坐盤中弓落
蓋參

結制上堂諸禪德一食一飲不假他口一動一靜不
依他力迎賓待客倦臥閑行迴無依倚超宗越格七
穿八穴明明歷歷不是外緣全承渠恩德諸仁者直

下懸崖撒手便知落處直得一念不生前後際斷到
這裏須親切用心倘又莽鹵不免怵怵怛怛諸人還
委悉麼其或不然試玉須經火得珠不離泥

滿戒上堂豎起拂子云看看盧舍那佛現身放光云
戒如明日月亦如瓔珞珠微塵菩薩衆由是成正覺
汝是當成佛我是已成佛又云佛子受十無盡戒已
其受者過度四魔越三界苦從生至死不失此戒常
隨行人乃至成佛佛子過去未來現在一切衆生不
受是菩薩戒者不名有情識者畜生無異不名爲人

常離三害海非菩薩非男非女非鬼非人名為畜生
名為邪見名為外道不近人情故恁麼親口親言諸
人還聞麼山僧雖戒德全缺律儀不具今冬應四眾
請啓建戒壇以授與佛祖大戒今日丁散筵之日陞
這座因欲舉揚大事使諸人增堅護持之信雖然與
麼戒名防非止惡且道是非未萌善惡未發為什麼
形段若於此體會去非翅五篇七聚呼為破家具子
與盧舍那佛眉毛厮結同坐寶蓮華臺其或未代等
喪失身命慎勿有所犯且道畢竟如何護持良久云

心地無非自性戒

臘八上堂昨日舌頭不出口不可喚白為黑今曉眼
上錯安眉還是指驢為馬大體還他肌骨好不塗紅
粉也風流記得僧問曹山佛未出世時如何山曰曹
山不如出世後如何山曰不如曹山師云雖得河南
還失河北海雲理斷有什麼見處良久云未離兜率
界烏鷄雪上行

同拈香者香透徹三世諸佛髓皮穿過歷代列祖鼻
孔身毒神且扶桑乃至三千大千利界海中魚龍蝦

嶰山川飛走沈潛所有含識各各被穿過鼻孔各各
不知不覺信手拈出恭供養今日成道如來

二祖真前拈香斷臂齊腰雪安心卸萬斤甚人端的
也因憶李將軍苦屈苦屈堪述天不喪斯文

解制上堂太甚分明枉勞舉揚岸柳展眉谿梅吐芳
頭頭顯露物物放光回耐洞山無寸艸何妨涉芋莽

蒼茫

結制上堂一真圓明而法法含容萬象齊觀而心心
絕待十界依正無不心地上影像誰自誰他恁麼則

利利見佛塵塵出經見色聞聲步步通別路人人現
成活受用三昧也得恁麼消息去自然如春著花如
鏡照像相似且道諸人行履又作麼生良久云相逢
不飲空歸去明月清風也笑人

病起示衆山僧桑榆殘景屢侵風邪觀身四大所成
緣合而成緣離而散緣性無性求病起處不可得因
僧問洞山和尚病還有不病者麼山曰有僧云不病
者還看和尚也否山曰老僧看他有分僧云和尚看
他時如何山曰卽不見有病者洞山道處有看者有

病者倘道是一第二月倘道是一洞山意在那裏各
 各無有轉身一路子麼衆下師云大衆道得未有轉
 身句山僧通一線路去以體明用體皆歸用以用明
 體用皆歸體畢竟如何日面佛月面佛
 永平忌落葉滿庭畦服重秋山瘦殺不勝肩現成空
 手還鄉句露柱燈籠笑蹶然這個是酬恩耶不酬恩
 耶若為酬恩則昊天因極若為不酬恩則辜負已靈
 即今如何即是良久云眼橫鼻直不人瞞一句了然
 超百億

開爐小參正當十月初一日諸方均開爐鞴鍛鍊銅
 頭鐵額漢吾這裏亦開爐與諸方大異要熟烹蘿蔔
 根蔓菁根與諸人商量蘿蔔根蔓菁根為諸人放大
 光明演大法義要向這裏諸人親聽取倘又圍爐而
 逞閑學解佻佛法見說是說非說名聞利養意解卜
 度則得空送過光陰為蘿蔔根蔓菁根笑殺去記得
 雪峰云三世諸佛向火燄裏轉大法輪玄沙云火燄
 為三世佛說法三世佛立地聽且道蘿蔔根說法三
 世佛說法是同是別止止莫作同別見雖然與麼諸

人一冬眉毛厮結如何參取蘿蔔根禪去聽取蘿蔔
根說法去舉拂子云若將耳聽應難會眼處聞聲方
始親

達磨忌踽踽往還勞脚頭扶桑震且結冤讐冤讐未
解千餘歲帶累兒孫恨不休拈香云報恩卽是酬讐
卽是一賽兩彩兩彩一賽

結制上堂寥廓不見其際湛湛獨存明歷不識其名
靈靈自照佛祖於是口閉掛壁這裏不近不遠極淺
極深月印衆水而川川皆月金鑄諸像而器器皆金
橫拈倒用局中生殺恁麼消息了事底漢點頭相許
其或未然向七尺單前參取看

臘八上堂豎拂云看看三世諸佛將此爲明星一見
悟道歷代祖師將此爲衣鉢遞代傳受各各諸人將
此爲本命元辰光光相接勿謂卽物契神託事顯理
雖然與麼東風只族雪消去自有百花管領春
解冬示衆山僧此日少惱不上堂有一句語送諸人
東去西去去泥牛出海踏青草步步未曾離本位恣
行熟處無鼻繩飽醉春光取次騎諸仁者恁麼行履

恁麼消息還相委悉麼陋巷不騎金色馬回途卻著
破襪衫

結制上堂海雲不知好惡厚顏今日登座這個填窟
塞溝胡張三黑李四圓裏無外平等無差見來護生
禁足節外安枝矢上加尖雖然與麼待十方虛空悉
皆消殞始得不然片念不舉寸步莫移參

示衆古云上士聞道如印印空中士聞道如印印水
下士聞道如印印泥此印與空水泥無差別因上中
下之士故有差別耳如今欲徑入此道和印子擊碎

然後相見既是一印爲什麼有差別只恐諸人墮差
別之坑然所謂和印子擊碎又明什麼邊事到這裏
如何道著卽是良久云上無攀仰下絕已躬

解制上堂舉僧問九峯西天夏末多有得道果者和
尚此間還有麼峰云有僧云是什麼人峯云頭戴午
夜月腳踏黃金地僧云還轉也麼峰云佗麼生不轉
僧云如何是轉峰云今古已聞龍退骨師云不守空
王殿不耘祖父田毘盧頂後神光舜若體前活眼全
功寥寥轉無跡借位歷歷明生光是人人本有底箇

箇圓具底薦得分明原不盈餘何曾欠少諸仁者向這裏得脫灑去不妨各自東西去其或未然更有解制日在參

上堂山僧這裏無有與諸方鬪富錦底禪貧便貧如范丹拙便拙於槃特遇飯開口要行移腳恰恰現成不勞造作所以道至道無難唯嫌揀擇雖然與麼若向這裏薦不得不免重拖泥水古人云安息寂自生寂生智自現智現來自滅了了唯真見諸人且道見箇甚麼徧界不曾藏通身無影像

臘八上堂梅檀荆棘一地所生無是無非本來成佛不假修證釋迦老子一見明星失卻金剛眼孔子視衆生異見十界滿頭白髮離巖谷半夜穿雲入市塵見來大著慚羞山僧率一衆一七晝夜坐堂不卧不免將錯就錯雖然與麼下坡不走快便難逢同拈香者香生祖父田園不假栽培手明中埋根暗裏抽枝經歷歲月不凋風霜今日拈出恭奉借養成道如來

本師和尚訖至舉哀慧日西沈已五旬胸中雲霧拂

還屯豈偏私昧卻生滅法海堪嗟無問津此是老人
末後打踣跳底消息也今日恭值盡七之忌辰特莊
嚴真儀聊設薄奠以酬慈恩且道先師還來也無良
久云白雲賓兮青山伴位裏借功徧十方

解制上堂鬧市門頭天子百草頭上祖師步步踏著
眼眼相知本無回必胡涉猜疑天真無少剩裏許莫
著絲雖然與麼腳線未斷切忌亂走

小參現成公案觸處纔涉擬議犯鋒傷手長者長短
者短山是山水是水不落心意識不落淨穢邊威音

王佛猶是他兒孫邊事向這裏論棒論喝論權論實
論偏論正亦是不要之長物何須說玄說妙說佛說
祖說心說性森羅萬象古佛家風碧落青霄道人活
計恁麼也得不恁麼也得恁麼不恁麼總得雖然與
麼若不藍田射石虎幾乎誤殺李將軍諸仁者還相
委悉麼大道體廣無易無難驀直去

結制上堂機絲不掛文彩未形借功明位光通浩劫
之初借位明功影落諸緣之上衲僧家開單展鉢穿
衣喫飯恰恰相應現成受用不假他力所以道雁過

長空影沈寒水雁無遺照之思水無沈影之心諸仁者還得恁麼相應也無其或未到恁麼田地七尺單前莫亂顛頂雖然與麼畢竟如何行履良久云心跡俱泯體上無滄名相纔與泥中洗土

端午示眾文殊一日令善財採藥曰是藥者採將來善財徧觀大地無不是藥卻來曰無有不是藥者童子雖是好手明前未明後約祖宗門下毒以能殺人藥以能活人諸人有恁麼手段麼良久云偏正不曾離本位無生那涉語因緣

解制上堂圓覺伽藍八字打開平等性智大用繁興毘盧性海波浪騰湧鳥高飛魚深潛衲僧門下放開門扇戶鑰七縱八橫何妨東去西去雖然與麼向這裏無有著力處布袋口頭依然在山僧手裏莫亂走不見道密移一步見飛龍明眼衲僧跳不出

開爐小參今朝十月初一日諸方開爐鞠鍛鍊佛祖我這裏亦開爐鞠烹茗茗大家團圓聚首商量茗話若有喫卻底者一椀爛卻舌根二椀塞斷咽喉三椀焦爛肺腑乃至七椀脫體無依倚通身無皮骨直得

淨躡躡赤灑灑地去聖綿邈佛法下衰學道人行解
不全解多行寡即今無有向火爐頭要全行解者麼
良久云頻呼小玉元無事但要檀郎認得聲參

先師和尚忌回頭彈指一周歲無奈寒林風木悲緬
想代師譚大義松濤洒耳舊年枝正與麼時將甚爲
報蒼天冤苦我不識伊聊設溪毛奠少奉酬真慈
冬至上堂羣陰剥盡一陽復露地白牛恒在前雙角
衝空眠尚穩四蹄躍地往無躔春風曠野草肥處秋
日凋林木落邊眼活心空無鼻索乘時涉化本天然

恁麼行履恁麼人應始得其或未然管取一番寒徹
骨梅花撲鼻香

臘八上堂轉身一色木馬嘶風進步今時泥牛耕春
一理含無量法門一塵攝無盡刹土動容揚古路不
隨悄然機所以釋迦老子今曉一見明星打失孃生
鼻孔還來言一切衆生本來成佛有情非情同時成
道不離覺場現身三界恁麼會去乃是久遠實成尊
其或未然則滿頭白髮離巖谷半夜穿雲入市廛
解制上堂一段靈光照破古今在凡不減在聖不增

日月讓輝金玉賤價念起也五臺山上騎獅子舉動也峨嵋嶺頭跨象王綿蠻黃鳥補陀巖畔白雪陽春同調諸人還會麼記得古德云靈光獨耀迥脫根塵體露真常不拘文字心性無染本自圓成唯離妄緣卽如如佛諸仁者夜夜抱佛眠朝朝還共起欲識佛去處祇這語聲是各各切返照看唯離妄緣則廓落無依十方通暢今日九旬期滿海雲解制不惜兩莖眉布施諸人會麼會勿遲疑既然如是畢竟如何自是不歸歸麼得五湖煙浪有誰爭

上堂高而無上廣而不可極淵而無下深而不可測見聞覺知脫落於眼耳執捉運奔妙叶於手脚展則彌淪法界收則絲髮不立是諸佛妙用衆生靈覺會則如龍得水不會則似羊觸藩恁麼消息諸人還相委悉麼假使恁麼會去亦臣分上事許汝如唯聖王無爲垂拱南面北極又作麼生良久云但形文彩卽屬深汚

還山小參烏石望州不隔絲撞牆磕壁轉鈍遲心不自心親切句當家種草結雙着山僧在東都干辛萬

苦爲法不爲身一山大衆亦護山千辛萬苦爲法不
爲身然不見諸人面已三年山僧護念諸人如白雲
兒諸人亦護念山僧如青山父白雲終日依青山總
不知已是終日依爲什麼總不知有緣不是余朋友
無用雙眉還弟兄記得古人云東廊下西廊下相見
且置烏石嶺與汝相見了也望州亭與汝相見了也
如恁麼道與諸人朝朝攜手暮暮摩肩諸人還有恁
麼消息麼山僧爲諸人說破去舉拂云無在不在十
方目前

重陽示衆籬菊噴英香巖人穿過鼻孔各相親頭頭
顯露祖師面一句明明眉目新諸仁者恁麼顯露頭
頭上有相親底麼試道看衆下師云箇裏有親有疎
也須親切

達磨忌萬里滄溟乘一葦遠尋法器苦搜求奚思輪
扁不傳旨遂作後昆腕脫丘卽今祖師在何處插香
云休於水底頻尋月豈向鏡中屢問頭
結制上堂春往夏過秋去冬來陰陽消長日月盈異
唯有拄杖子向千變萬化中未曾動一絲毫卽今如

拄杖子諸人如何受用去卓一卓云常在動用中動
用中攝不得雖然與麼且道如拄杖子具什麼面目
又卓一卓云眨眼隔千萬程畢竟如何受用去良久
云據一知之本源當千差之會要

臘八上堂六白端坐水和明月流今曉悟道天共白
雲曉脫珍御妙服著垢膩弊衣正眼看來非翹家醜
向外揚還道一切衆生同時成道大似頭上安頭諸
仁者這裡見得分明釋迦老子立諸人下風倘又見
不得有條攀條無條攀例還曾麼良久云陋巷不騎

金色馬回途卻著破襪衫

解制上堂堂卓卓不是目前之法不復是耳目所
到把住則密密不通風放行則左右逢原諸人鼻孔
在山僧手裏山僧鼻孔在諸人背後挾帶挾路錯然
則吉恁麼則舉足下足不離道場不恁麼則宗通趣
極真常流注外宗內動繫駒伏鼠諸人如何得恰恰
相應去倘得恁麼相應去不妨東去西去行無轍跡
其或未然到處禪板蒲團厮結眉毛去
佛生日華藏界海一盤水大地山河一佛身這裏那

勞遵衲手分明浴得不牽塵

結制上堂咄一咄云會直下會纔入思惟傻佗剃法
一念卽三世三世卽一念針鋒上安須彌芥子裡包
塵刹非是修成奚喚神通諸仁者無不舉措施爲從
朝至暮受用之所以道一念普觀無量劫無去無往
亦無來如是了知三世事超諸方便成十力看人人
脚下放大光明箇箇脣吻說一圓乘以大圓覺爲我
仰藍諸人如何得恁麼相應去良久云但得琴中趣
何勞絃上聲

解制上堂舉洞山云秋初夏末諸兄弟或東或西直
須向萬里無寸草處去師良久云祇如萬里無寸草
處又佗麼生去大小洞山入草覓人不覺通身拖泥
水使人向乾乾淨淨地往海雲到這裏別行一路使
人向芊芊莽莽處去直得草足水足正好放水牯牛
而牧之雖然與麼未免倚門傍戶且道有什麼長處
喝一喝

上堂一片虛明十方通暢風掃餘雲山月未上霽虛
廓淨亾絕方隅白雲功盡青山自秀牆壁瓦礫回機

帶光見色聞聲如井觀驢這裏看來無不皆是現成
受用於自己大光明藏諸仁者恁麼消息還會麼良
久云三千世界百億身不用安排只者是

示衆選場將謂在人間瞋目其中出世寰飛鳥闕空
無界域游魚淡水有幽閉普賢拈帚明差別妙德揮
毫轉玉環謹白參禪求道者生生死死扣玄關

結制上堂德山入門便棒臨濟入門便喝運大神通
作大佛事看來祇成得箇擔板漢到這裏卻須退位
相承借功相見直得蒼龍蛻骨玉鳳生雛諸禪德未

到恁麼田地十二時中孳孳如救頭燃若又委委隨
隨何日有了期雖然與麼直下如何受用太良久云
莫嫌滿眼諸塵須信唯心三界

除夜小參一年三百六十日積刻爲時積時爲日積
日爲月積月爲歲縱使百千萬劫一念中十方世界
一毛頭其中天地陰陽造化動植飛走山川草木物
各性住自覺性智有倒世界有覆世界有仰世界有
苦世界有樂世界其中衆生或出或沒或昇或降皆
無有出這一念頭者還會麼閃電光擊石火回頭轉

腦則隔十萬這裏潦水盡而寒潭清日日是好日不
虛度光陰若不然則煙光凝而暮山紫不免被四序
推遷他日閻羅老子打算飯錢臘月三十日手忙腳
亂去豎拂子云獨有此毫長老節候不遷繩約不受
諸人還看麼良久云三山洞府玉殿瓊樓渠無國土
何處逢渠夜深珍重
解制上堂十五日已前拳五指一畫不著十五日已
後展五指十字縱橫拄杖頭衝開碧落蒲團上裂破
大地正當十五日石女夢回木人機斷諸仁者恁麼

消息會得去千里萬里不隔絲毫又會不得同牀
合面亦白雲萬里雖然與麼今日各各東去西去山
僧有餞別一句良久云途中善爲

上堂言語道斷非去來今南山雲起北山雨降擬之
卽違覓之彌失所以道森羅及萬象一法之所印若
恁麼會得則釋迦出世達磨西來亦印破於這印子
坐臥經行著衣喫飯折旋仰俯亦印破於這印子雖
然與麼合得鼻頭痛耳朵聾始得諸仁者如何得相
應去還會麼良久云鎮州出大蘿蔔

一
二
三
四
五

四
五

退院上堂馬祖謂藥山云未有長行而不往未有長
 住而不行山僧在這裏已至十有八年或平田淺草
 種花柳劈腹剜心或懸崖萬仞栽蒺藜驅耕奪食今
 日一刀兩斷高掛鉢囊放下拄杖云正與麼時如何
 立生涯去良久云麤茶淡飯家常事折腳鐺兒守寂
 寥

皓臺禪寺語錄終

